

陶

齋

臧

石

記

旬齋藏石記卷三十一

唐十五

普惠寺井闌

高尺寸分橫徑尺寸分圓徑尺寸分五
行行二字四字不等字徑二寸弱至三寸強不等正書

大唐泰和元年蔣詮喜捨三月吉日

嘉慶二十四年三山門外普惠寺災僧掘地得此井按曹叡晉
廢帝魏高祖後趙石勒漢李勢皆號太和唐文宗吳楊溥皆號
大和大大泰通用此不知何代物陳宗彝記

後趙漢李勢唐文宗金章宗皆以泰和紀年此楊吳也金龜記
按此井闌刻缺已甚大唐二字舊拓本遺之今精拓乃顯定為

唐文宗時物史作太和陳氏謂太泰通用是也續纂江甯府志

右井闌題字左方刻有大清嘉慶二十五年四月吉日重開
十三大字金氏以此為楊吳時物不知楊氏此時久不用天
祐年號既改元建國安得忽又稱大唐邪茲仍歸之文宗以
從其實

何允墓誌銘

石高一尺零二分廣一尺並牒題共二十一行銘末一行刻碑
左側文首行二十一字第十一行十九字餘俱二十字正書

唐故文林郎諫左金吾衛兵曹□軍武騎尉何公

墓誌銘 并序

揚州龍興寺沙門惟一撰

有唐大和元年五月廿五日公卒于私第 公諱允其先廬江人

曾王父賓仕王父玳皇考曾游踐儒藉遠名傑生今道賁德于
世公溫美玉潔粹和深正雅好經理直道清白 國以度支重宰

□淮南院事

公給引蕞務可無洪細志主之其間兢兢負荷不

怠膏晝疾徐喜愠不形形色招待賓友周厚交結檢劑服用性緒

簡約春秋五十五疾生榮膺溘然緜世興善降祥其安在哉 季

弟睽斷肱臂漸入肺肝

夫人曲阜施氏薤萼最弱失所附託

劍漣潭洞哀苦孀立俯視孤孫隋萎舜花

公愛子弘實纒冠之

歲孝行天授承順膝下仁素聽恣忽遭傾奔辜盡情體自啓手足

踣痛之聲孰忍聞親屬以多故權窆于廣陵嘉甯鄉陸遂里鑿塹

封櫬列植松栢秋空院寮景添其苦懼陵谷將變刻石紀事銘曰
一氣整聚當午易敬其教限盡熟能苗之聲華先達疊：歸斯公
之化焉使聞愴而丘隴蕭然濃露以滋漢然下泉無聞返期生人
謂常子哀妻悲手足明春鶯執神欺歲月透驟風月照其

鶯執以下十二

字刻於碑側

□誌云國以度支重宰□淮南院事此蓋敘允所司之職也而
院因何事建置則無由揣知攷唐書食貨志載乾元元年鹽
鐵鑄錢使第五琦初變鹽法就山海井竈近利之地置鹽院
又云自淮北置巡院十三捕私鹽者姦盜為之衰息又載德
宗時詔諸道有鹽鐵處復置巡院其後諸道鹽鐵轉運使張

滂復置江淮巡院其名之見於志者自淮北十三院外又有
山南西院及劍南西川東川等院並有巡院監院等官此皆
見於食貨志者據此則唐時鹽務諸道各置院以綜理之揚
州本鹽商輻湊之地故江淮置院當時尤以為重然則所謂
淮南院必為鹽務而設者矣當時國用所出以鹽課為一大
宗故云國以度支重觀下有給引藥務無洪細悉主之等語
則允或即監院官巡院官之類耳百官志左右金吾衛所屬
有兵曹參軍事各二人掌朔府外府武官兼掌獵師正八品
下文林郎階也從九品上武騎尉勳也一轉視從七品王父
之名竟不可識或是堽字之誤宵畫作霄畫索魏張猛龍碑

如傷之痛無怠於夙宵亦以宵為宵山左金石志云乃通借字也然此誌本多謫字如消作隋萎作萎螿作螿鑿作鑿寒作察皆是至蕝字則玉篇云茅芽也唐韻則以為草多貌集韻則以為草不生要皆與上驚字不屬大抵文中語多不可解固無足深論也

錫齡素北周時珍墓誌玉兔霄淪初學記唐太宗望雲詩秋雲霄淪有皆以霄為宵

又或牙元年樂達墓誌金衣林而警露聲語闕實又云屏展飲於中都寢霄鈞於單父則一文之中而二字互段

王遼墓誌

石高一尺三寸四分寬一尺三寸二分二十行行二十一字字徑四五分正書

唐故蘇州司戶參軍王府君墓誌銘 并序

宣德郎前試衛尉寺丞宋肅述

公諱遼京兆人也爰自封姓泊于茲辰九厯千祀冠冕繼踵高祖
抗金紫光祿大夫殿中監陝州刺史曾祖惟忠銀青光祿大夫登
州刺史河南河北租庸使兼新羅渤海諸蕃等使文安郡太守祖
演右羽林將軍梓州司馬皆令問令望嘉謀嘉猷前後登庸並列
清史殊勲茂績靡所能載父蘇州司戶叅軍公以積善流芳餘慶
鍾美丕承先訓垂裕後昆據萼黜榮門風增茂博通武藝尤擅文
章矢引滿百中楊穿賦繞歲三都紙貴前夫人梁氏一子簡能簡
能齟齬之年慈母傾背門風令德靡所能知後夫人宋氏一男名
勗夫人學齊班謝德並姪姜敬填威儀克諧九族勗襁褓父喪弱
冠親親字旻
文添注萌尖極無聲痛深有血行為人表孝自天資以大唐

大和四年庚戌歲二月廿七日壬申扶議遷祔于河南府河南縣
長樂鄉平原里之北原禮也肅勗之伯舅念彼零丁孤遺一身遷
祔三代爰自江徼來赴洛陽幽宥再安尊靈永固京尹哀念特賜
俸錢荷德仰思留生何謝銘曰

平野漭漭

流水湯湯

三墳對列

衆山之陽

行雲動色

遲日無光

荷今追古

哀深感長

誌云敬墳威儀即敬慎从心从土古字有通用者孟子士憎
茲多口趙岐曰為士者益多為衆口所訕憎當从土作增唐
劉釜墓誌銘首行墓作墓誌又云京尹哀念特賜俸錢王君
京兆人也地方長吏誼蓄指困勒之鼎珉昭示風義固其宜

矣墓誌兼敘賻葬人可入碑版廣例而又佚其姓名惜哉

強夫人杜氏墓誌銘

有益

名高一尺而弱廣一尺一寸八分並標題十七行行二十字至三十字不等正書蓋題杜氏夫人墓誌六字三行篆書

唐 故夫人京兆杜氏墓誌銘

并序

御貢進士杜師類述

杜氏之先帝堯之胤曾堯以天下讓舜其子作廢於虞故歷虞夏高周世為諸侯軒冕不絕平難得而詳述

大父諱 皇堂虞將軍諱金吾術大將軍 父諱莘皇成德軍節度使官諱太子賓客 府君以名官為累恬養道隆遂弃職道名以保全真之理 夫人即其弟一女也幼曾家訓究有令

儀爰始筭才婦節有闕矣 強公高其賢行納幣而親迎之夫人
自扈天阡弘迨卅餘年 夫人正以佐夫嚴以訓子祗備禮祀協
和宗親實由鳩鳩有居巢之德宜其享五福迺百祥天胡不僖壽
不盈於中算年五十七以大和四年六月廿日卧疾終於鎮府真
定縣安樂里之小寢以其年九月廿九日遷於祔於府城西北五
里壽陽村之原 先塋之左次有男三人女男惟疾次惟順幼惟
義令夫惜如賓之不復愛嗣思涉岷之無由懼原陵有變愆行無
文刊石泉扁誌其不朽銘曰

媿之夫人 令儀令質 光宣內軌 以保家室 如松之茂

如蘭之芳 德惟倫物 再胡不昌 生涯日短泉夜長 干年

白骨埋幽荒 烏啼月落九秋暮 月中寒草凋濃霜 大和

四年九月廿四日記之耳

此誌一字未泐然寫刻率略甚者至不能識幸強公之強字
明晰得知其夫姓攷氏族略符秦有強永強帛姚秦有強起
強斌西陽侯強京並略陽氏人唐徒扶風故扶風為其郡望
惟鄭書既於上聲出強氏而平聲又有彊氏並引後漢書注
云又作強其兩切鄭氏既知彊強一字何以忽又歧出蓋彊
強舊分二族兩音彊平聲強上聲故據以分錄後世只作強
字用平聲鄭固自言之矣誌稱杜氏為帝堯之胄歷虞夏商
周世為諸侯案左傳襄二十四年范宣子謂句之祖自虞以

上為陶唐氏在夏為御龍氏在商為豕韋氏在周為唐杜氏
杜注御龍氏謂劉累也豕韋國名唐杜二國名殷末豕韋國
於唐周成王滅唐遷之於杜為杜伯是杜氏之系源流最晰
誌文蓋本諸此杜注又謂杜今京兆杜縣氏族略亦稱今永
興長安縣南十里有下杜猶有杜伯冢在秦漢時之杜陵唐
人之杜曲地正在此此又京兆杜氏之所由始也雲麾將軍
散官從三品上駟使官蓋亦軍中差遣之名金吾衛大將軍
太子賓客則正三品故皆帶試字金吾衛舊曰候衛龍朔二
年更今名鎮州舊為恆州元和十五年避穆宗名改真定則
武德四年徙治之邑也鎮州本都會府治所故稱鎮府自廣

德元年李寶臣降以為節度使號其軍曰成德於是又為節度使治所夫人之父嘗隸成德軍而卒時亦在真定蓋其父若夫皆家鎮州矣天胡不備用毛詩昊天不備語毛傳備均也韓詩作庸軒冕不繞繞疑絕字之譌然不繞猶言不自今始也義亦似通

高誠墓誌

石高寬各一尺並六分十七行行十六十七字不等字徑六分

正書

唐故高府君墓誌銘

并序

公諱誠渤海人也 祖榮父詠公即其長嗣矣養真不仕處順而安孝友忠貞交遊必善癯瘠兄弟花萼同芳守道丘園不苟而取

何曷神理茫昧奄喪哲人洎大和四年夏六月廿三日遘疾終于揚州江陽縣布政坊之私第春秋五十有六前督芮氏夫人育女四人二已從事不幸於長慶三年先公而友後娶弘氏夫人願與嗣伯忽逢凶疊心折骨驚仲弟曰貞以其歲秋八月七日俄然緜廿孝弟婦泣号天如析手足乃尅其年於十月一日窆于當邑江津鄉闕村先塋從宜礼也爰恐陵谷遷變封樹莫存請余為銘用慰萬里

銘曰

雍：仁兄 禮：令弟 花萼同芳 榮枯一體
卜其宅地 蕪城東表 永夜松扃 風悲月吊

右墓誌高君終于揚州江陽縣布政坊之私第按會昌六年
米氏九娘墓誌亦云終于揚州江陽縣布政里之□与此誌
合坊与里可通稱也

吳達墓誌

石高一尺四寸三分半寬一尺四寸五分二十三行行二十四
五字不等字徑四分正書

唐故奉義郎試洋王府長史濼陽吳府君墓誌銘

并序 元標題
上空七格半

鄉貢進士寇同撰

府君諱達字達儒濼陽人也其先与周同姓文王封太伯於吳至
武王始大其邑春秋之後與為盟主及越滅吳子孫奔散或居齊
魯間因為郡之籍氏焉祖偉皇任虔州虔化縣丞父王冕皇任禺

州別駕題輿貳邑克若公清積慶所鍾寔繁洵嗣

別駕娶

鍾氏而生四子

府君即其長也弱不好弄長而能賢清白自持

有南朝隱之之操雄謀獨運得東漢漢公之風歷階奉義郎累試
洋王府長史始著籍于務章晚徙家于京國優游墳典怡性林園
脫弃軒蓋之榮趣翫琴樽之樂雖二疎之諱榮四皓之讓祿嫂之
長史今古何殊不幸以大和四年夏六月有六日遘疾終于滕業
里之私第春秋六十七以其年十月廿日辛酉祔葬于京北府萬
年縣洪固鄉北韋村烏虜渠木斯壠哲人其萎青烏占窀穸之期
白鶴為予喪之客夫人扶風郡 萬氏閨門肅睦無慙班氏之賢
四德不虧豈謝謝姑之德先以寶曆元年十月廿一日捐館于前

里第及今克遵祔禮也 夫人實生二男一女長曰仲端次曰仲
璵並幼而敏慧有文武幹材或親衛於 丹墀或繕經於白武追
際光之莫及痛風樹之不停 以其禮經有制空垂志行之文金
石靡刊孰紀陵之變銘曰

吳氏之先 周室配天 封伯東南 世多其賢 春秋之後
國始大焉 代著仁德 府君嗣旃 清慎廉退 吾無間然
秩試王府 道優林泉 積善何昧 逝于中年 洪固高原
南抱樊川 佳城鬱鬱 宿草芊芊 鸞鳳茲祔 龜北叶吉

夜月松風 萬古斯畢 嘉慶二十二年獲 嘉謨

按誌所稱吳達及其祖偉父□冕兩唐書俱無傳誌稱達累試

洋王府長史洋王者憲宗子初名襄後改名忻始王高審進王
洋誌又云祔葬于京北府萬年縣洪固鄉北韋村長安志洪固
鄉在萬年縣南一十五里管邨四十八畢中丞沅注引路巖撰
渾侃神道碑有冑貴里歐陽詹撰左驍衛將軍馬寶墓誌有延
信里司馬村而不及此誌之北韋村可据此以補長安志之古
村名也誌又云夫人萬氏捐館于前里第捐館二字本史記蘇
秦傳秦陽君捐館舍云云其用之于婦人則始見于此王和全石草編
右洋王府長史吳達墓誌銘在長安縣誌云歷階奉義郎累試
洋王府長史舊唐書憲宗第五子忻貞元二十一年封為高密
郡王元和元年進封洋王達之累試長史當在元和元年以後

洪頤煊平津館讀碑記

是誌出自長安嘉慶二十二年段君嘉謨令武功收置縣署文曰文王封太伯於吳按世本武王封周章於吳奉太伯之祀非文王事誌內豫避代宗諱作豫又避太祖諱改白虎作白武六月有六日有字疑衍否則月下脫十字然顏魯公書殷君夫人碑亦有七月有五日句又似唐人有此書法孰紀陵谷之變句陵下脫谷字夫人萬氏捐館於前里第金石萃編云捐館二字本史記蘇秦傳用之於婦人始見於此余謂蘇秦傳奉陽君捐館舍謂捐奔賓客之館不忍直言其死也猶臣稱君曰棄羣臣子稱父曰棄不孝之義婦人安得有賓館可捐然其誤不自此

志始也庾子山集賀拔夫人元氏墓誌已有遺疾累旬奄捐館舍之語即萃編所載元和七年許孟容撰裴耀卿碑亦有太夫人捐館之語皆在此誌之前其後相承誤用者如蘇長公集亦有太夫人捐館及表嫂壽安君遽捐館舍之語余嘗於癡學中具論之矣

黃本顯古誌石華

右墓誌云遺疾終於勝業里之私第按長安志朱雀街東第四街即皇城東第二街街東從北第一長樂坊次南大甯坊次南勝業坊勝業本名宜仁武德初高祖於坊西南隅為沙門景暉立勝業寺其坊因此改名隋書百官志仁壽三年京師諸坊改為里則里本即坊也坊与里可通稱誌又云祔葬

于京兆府萬年縣洪固鄉北韋村銘云洪固高原南抱樊川
洪固一作鴻固太平寰宇記漢鴻固原即少陵原長安志原
在萬年縣南四十里元和郡縣圖志樊川一名後寬川在萬
年縣南三十五里通志少陵原乃樊川之北原自司馬邨起
至何將軍山林而盡此云洪固高原南抱樊川參攷諸書地
形政合誌內弔喪之弔作予銘末龜兆之兆作北竝塵見又
銘後有嘉謨題字記獲石之年據陸心源金石學錄補引金
石一隅錄云段嘉謨號襄亭偃師人嘉道間率武功輯武功
所有碑碣及家藏銅器為金石一隅錄首載嘉慶二十四年
邑人掘土所得北周驃騎將軍鞏賓墓誌

按此則吳達誌
先鞏賓誌出土二

年又于學宮廢碑中收獲李北海書任令則碑于長安市上
收得唐吳達墓誌置之縣署皆自來金石書所未載者

李君并夫人韓氏墓銘殘字

石高一尺四寸九分廣一尺五寸一分僅首尾各存字一段行
數字數皆不計正書

李氏本自玄元道君

尚不任門無沆交訓誠

永大和辛亥李月達

夫人韓氏起因唐料

口室憂竊韓宜

播其

以上存字一段在志首起處

學報無讓焉敢

此佳城遺啓宅地

中

芝蘭在園草

方含

間 懿昭彰知身

幻化無常不滋萬

應

母賢子孝養不終

子孫遺軌地

以上存字一段在誌尾訖處

按誌文載李公□□□唐文宗建元之□□歷今千餘載矣序
稱李氏所自始蓋當時道□國姓之語又云高尚不仕則李公

其處士歟

約泐四字

世次夫人韓

約泐四字

志

□□

出土

□銘

□□半

下泐又一行全泐

唐□唐

泐數字

嘉慶己

□安邑

□葆

溜王□廣

□獲石城

西十三里

廣□口

□手勒

此跋尾一段字極小刻於中幅

下截行八九十字不等正書

誌文磨滅殆盡復經近人用作何物致刻痕滿石悉與松枝

如世所稱竹葉碑者嘗慨石之顯晦有數存焉石鼓不遺乃

至為白他如賈思伯壓肉華山廟砌門張壽截為碑跌李秀

鑿成柱礎以至邵陽支竈玄靖疊牀敲火礪角之餘乃復遭

此亦金石之不幸也此誌幸首段尚存李氏夫人韓氏等字

及末段佳城宅兆等字得知為兩人合葬墓誌又有大和辛

亥字則並其時代知之辛亥乃大和五年也翁章竊謂唐文宗太和當是大和以范本華山廟碑額旁題名三段皆作大和為證今觀唐代諸刻亦竝作大足以證翁說之確訂千古之誤矣唐自高祖感於吉善行之說遠祖老子詔為立廟明皇尤深感之至尊為玄元皇帝既迎其像又求其靈符荒迷甚矣此誌亦溯原道君豈非餘風未殄乎誌云起因唐叔蓋溯韓氏受姓之始案韓本晉之公族氏族略載成王封叔虞於唐賜畢萬韓原之地獻子從其始封遂為韓氏是韓氏系出唐叔也未段輒無讓焉云云蓋撰人自述語以下則皆銘詞誌於嘉慶中出土於解州安邑見於所刻跋尾是其墓地

當在於此蓋出土時文已漫滅故鐫跋其上至後流落民家則又並跋殘毀故今較誌文尤難辨也

王夫人隴西李氏墓誌銘

石高一尺二寸七分微強廣一尺二寸六分二十三行行二十五字無界格正書

唐幽州節度衛守□馬使王公夫人故隴西李氏墓誌銘并序

正議□□檢校右散騎常侍兼光祿卿上柱國賜紫金魚袋劉礎撰并書

夫、□□□其先隴西人也爰祖及父俱廢名位高尚不仕以從其□夫人四德克修五常無爽鄉黨重其孝隣里傳其行年□□王公門家于幽州之幽都縣與其姊如偕事先姑

夫人□出自然孝秉天性及姑之病綿歷歲時夫人色不滿容行不正□飲食湯藥必致其誠裁縫繡畫必盡其力是以先夫人愛之重之不使離其側每謂所親曰我見此新婦則疾覺小瘳其敬順之至通於神明矣洎丁先夫人之禍亦以孝聞有男二人長曰從約次曰從禮有女一人早歸於礎元和之末

穆宗篡位礎自幽州□伴作牧南陽夫人愛女隨焉銜命西上旋屬剽門長惡□□柵兵音書兩亡倏忽十載九秋明月不照別離之心三峽夜猿應識悲涼之思粵去年秋七月方達京邑弃危疑之地登仁壽之鄉室家以和骨肉相保豈期百花林下未盡歡娛三春節中□聞哭泣以大和六年二月廿有九日遘疾終於

道政里之私第享年六十六屬續之時精神不撓所有遺託其詞甚□嗚呼 夫人合二姓之好歷四紀于茲事夫稟梁鴻之婦道訓子法□□之母儀理家以正接下以慈命也不造德之何衰即以其年五月八日歸葬於京地府萬年縣龍首鄉成義里鳳栖原禮也雖□□□□有□遐迹而陵谷更變或資於述作琢于貞□用紀 遺芳乃為銘曰

桃之夭夭 灼灼其華 □□夫人 宜其室家 既出李宗
嫁為王婦 容止□□ 進退有度 唯靜唯默 以貞以素
誰謂年光 □□□□ 成義之里 鳳栖之崗 寤寤墓門
蕭蕭白楊 身葬異□ 神□故鄉 萬歲千秋 德音不忘

右誌劉礎為其妻母王夫人所作前之署銜幽州節度衙前
下一字泐去當是兵字唐節度有副使有都知兵馬使又有
散員兵馬使為未統兵之稱此之衙前兵馬使唐志及唐會
要未見應在雜使散員之列據誌夫人家於幽都礎以幽州
倖結姻於彼及穆宗篡位之初礎牧南陽十年之後夫人始
從礎京師時礎已官光祿卿夫人卒於其所誌言屬薊門長
惡此數字漫漶不辨
映日中諦視始審其下泐二字再其下有稱兵云云此指
穆宗篡位之後而言考通鑑穆宗初即位除張宏靖為幽涿
營節度使長慶元年士卒作亂囚宏靖於薊門館請朱克融
為留後都虞候張良佐潛引朱克融入幽州克融遂寇蔚州

及授克融幽州節度其後復執留敎使裴度謂其無禮已甚
寶曆元年幽州軍亂克融被殺李載義為節度太和五年正
月載義復為兵馬使楊志誠所逐自長慶元年至太和五年
幽州不靖者十年有餘與此誌言倏忽十載正合夫人以太
和五年七月方達京邑蓋在楊志誠初投盧龍留後弭首恭
順暫得就道誌所謂弃危疑之地登仁壽之鄉者此也夫人
卒於道政里之私第政字模糊微見其迹據宋敏求長安志
朱雀街東第五街南有道政坊唐人坊里互稱坊亦可名里
考已別見長安志萬年縣東十五里有龍首鄉所言成義里
鳳栖原者皆不著礎於唐書無傳宰相世系表中亦無其名

而能表其妻母奉姑之孝詞為近實唐書百官志右散騎常侍屬中書省舊書職官志言欠一階者或為兼或帶散官其兩職事者亦為兼按右散騎常侍非散官礎以右散騎常侍兼光祿卿殆兩職事之兼歟

聚慶墓誌

執高一尺並七分弱寬一尺並一分弱十二行行十六字至十九字不等字徑七分正書有直格

唐故聚府君墓誌銘

并序諸葛暉撰

府君諱慶字文悅馮翊人也大和六年青龍在壬子九月十七日終蘇州嘉興縣進思鄉私舍春秋五十祖疑曾祖瑄父達家諱具述不書也公即達長子也志操孤峙孝友無先雖不夢奠之徵忽

生鞋履之別娶陸氏有子二人長葯次允孚女一人偕血泣柩左
扶疾問於筮兆當年十月廿六日封當縣南甘露鄉崇福里祖墳
禮也忍煙峯及巨溟變改請文勒石詞曰

悲鴻驚月啼霜天

寒雲長夜斗牛懸

詞子哀踰望不返

令問遺風光萬年

佳城虎踞龍左盤

刊文勒銘金石堅

右志文十三行首三行皆十九字餘參差不等正書字徑七八
分文言勒石其實以方埒刻之行閒有細線為界埒藏張叔未
齋己亥三月予由嘉興往杭州使道訪叔未於新篁里出此志
相賞因手拓其文攜歸補錄人之志雖無書人姓名而字體工
整古雅勁脫猶具唐人書家矩矱且無一字漫漶尤難得也叔

未言志於三十年前出秀水縣螺潭廟側田中予攷秀水縣乃
明宣德中分嘉興縣地置嘉興本漢縣屬會稽郡東漢屬吳郡
唐屬蘇州石晉天福四年置秀州宋改屬秀州又改陞秀州為
嘉興府自後嘉興縣皆屬嘉興府太平寰宇記云嘉興縣舊五
十鄉今四十二鄉因割八鄉置崇德縣故也此志言陞蘇州嘉興縣進思鄉
又言封當縣南甘露鄉崇福里蓋皆宋以前五十鄉中之二鄉
舊名也又攷說文木部榦木斲也而廣韻十八尤旣收榦字又
別出聚字引字統云姓也則正與聚府君之姓合且攷毛詩聚
子內史亦作聚鄭箋謂聚為氏可知聚姓已見於三代矣說文
所收之字亦有以偏旁在下在右分作兩字者如言部謀暮豈
二字之類

聚字爲後人誤刪邪據此志唐時尚有聚姓廣韻又明引字統
與極字分作二體而今韻書但有極而無聚又不知刪於何人
可知後代增加之字固不少於經典相承之古字反遺而刪去
者亦多矣志稱聚府君馮翊人蓋其書舊望也文云扶疫問於
筮兆疫見廣韻五支云疾也筮乃筮之別體說文筮作算从古
文巫

翟中洛古泉山館金石跋文

按馮登府石經閣金石跋文有聚君墓誌跋首敘得拓本於
沈司訓銘彝中閱荀錄全文餘殊簡略意在流傳此文而已
据覆跋古泉山館金石跋文及馮跋此墓誌無一故字而弟
八行及巨溟三字末行左字今原軌迺全泐得目補注完全

則馮跋傳古之力矣第三行祖疑疑字馮釋聚細案非是聚字統姓也王應麟姓氏急就篇聚柢番據喬顯曆注聚氏詩聚子內史古今人表作椒王圻續文獻通攷分均姓氏二十六尤有聚姓筮作筮與隋李則墓誌漢文筮仕膠西太傅筮字同銘詞似詩七言殊塵見狀漢張公神碑系詩九章綦水湯湯揚清波朝歌蕩陰及犂陽云云則此例亦已古矣據補襄宇訪碑錄此墓誌曾感嘉興張廷濟家與瞿跋合

崔慎經夫人李氏墓誌

石高寬各一尺四寸七分半二十一行行二十字至二十二字不等字徑四分釐正書 銘曰下十六字補刻稍小

唐前左金吾衛錄事參軍崔公慎經夫人隴西李氏墓誌銘 并序

前鄉貢進士崔重撰

夫人諱平其先隴西成紀人受姓命氏備乎國史與家諱不書元魏以五姓婚姻冠于百代姑臧公承實為稱首承四子皆貴於當時長子韶贈司空有傳夫人九代祖也言閭閻者謂為姑臧長房曾祖成休 皇任永王府長史祖韻 皇任越州大都

督府法曹參軍父璋試大理評事夫人以柔閑慎淵聞于家年十三歸崔氏奉舅姑修蘋藻事閨闈之德稱於姻族明年以

舅司空公師淮南夫人隨夫

侍行未周歲有

姑

之喪服紀夾踊之宜無虧於孝道再葬之制未沒而司空公即世慎經與夫人護 嚴君之柩歸葬洛師且至而夫人疾以大

和七年二月六日捐館於敦行里第嗚呼

司空公仁德清儉

表於代慎經之伯仲理行文敏克嗣

風烈君子謂必復其

高位厚祿何澍德婉嫺不享茲歟既逾得吉卜葬潁陽縣萬安山南原祔于姑之墓且曰陵谷之虞思所以識以重辱在宗人之

之未見託述焉銘曰唐開成三年十月三日自潁陽移至此

士之溫克兮配乎柔貞如鳳如皇兮既和而鳴宜久且長兮以芘以馨胡為其不寧葬方榮蘭始芳秀而不實罹此風霜伊良人之恇悼兮寔用我傷孰究斯理兮天且茫茫

按崔慎經崔從之子從融之曾孫新唐書有傳增融傳宰相世系表崔氏南祖房從字子又淮南節度使清河縣伯周恕

初名慎經司封員外郎慎由字敬止相宣宗慎經之兄也慎經更名周恕及任司封員外郎皆作誌已後事誌云夫人年十三歸崔氏明年以舅司空公帥淮南夫人隨夫侍行未周歲有姑之喪再奉之制未沒而司空公即世慎經與夫人護柩歸葬洛師且至而夫人疾以大和七年二月六日捐館於敦行里第而不著其第之名但其官則司空淮南帥其卒則大和六年也攷從傳實厯初為東都留守召拜戶部尚書宰相李宗閔以從裴度李德裕所善內不喜從求致仕除太子賓客分司東都告滿百日子去於是衆譁語不平宗閔懼復授檢校尚書左僕射淮南節度使副大使知節度事大和六年

卒贈司空與誌脗合又誤誌人崔重亦見宰相世系表官下
邳主簿當作誌時方為鄉貢進士耳夫人之先出自李氏姑
臧大房承韶兩公為其初祖亦與宰相世系表合其曾祖成
休祖韻父璋則表未之載唯韶下六世有成式成性成毅成
紀疑即成休弟弟行矣夫人卜葬潁陽縣萬安山南原潁當
作潁新唐書地理志壽安縣西南四十里有萬安山誌不曰
壽安縣萬安山而曰潁陽縣萬安山者攷貞元八年盧嶠墓
志有云宅神于河南縣萬安山之南原當是萬安一山連亘
三縣不必特屬壽安也銘曰下有唐開成三年十月十三日
自潁陽移至此十六字上距夫人之卒才五年耳當是於是

年栖葬或與慎經合祔慎經以貴胄介弟而未險臆仕殆亦
不逮中壽歟

辛幼昌誌銘

石高廣均一尺三寸中有裂文

二十一行行二十六字正書

唐故試大理司直辛公□誌金

姑射處士睦□樸

公諱幼昌字弘運其先隴西人曾父奉國開府儀同三司豐州判
□天德軍使兼御史大夫上柱國隴西郡肅國□食邑三千戶贈
工部尚書烈祖榮朔方節度副使□□都知兵馬使兼御史大夫
平陽□王食實封一百五十戶父□□節通州諸軍□守通州判

史兼御史中丞公累傳茂範□振能名聽□機著卓然宏異始□
□群會嬉□之際識者目落落之清姿則□□固天縱也暨長□
□□翰墨樞□□□□□□□□□□□□□□□□□□□□□□
□□□□□□□□大之術者何晉金拖紫之崇貴得不坐而至
乎□□□□定□□□爵得不俯而置乎亦何俟矻矻□膺然後為
學絲是六奇三略開門□□□鳴弦架鏑遠近弛張謂古之破菜
穉穰今足當仁矣公以業□□□旌戟交輝固欲指掌青雲捧楊
白日仕進之廣路官學之多門□躡梯階式為終立授試大理司
直□寄結□□□□游玉仲芳葩芝蘭疊蘊豈止 趨庭申孝
敬之則□節□周旋之誠遠□前程孰究邊極豈其彼蒼者天備

短無算巨鱗□□□□勢窮以大和六年十二月廿五日卒于平陽郡之私館□□□□□□□□□□
行□□□□感□□□□中丞□□□□遷牧通川南北迢遙山川綿濶□家于□已歷歲時凶訃難飛鶴鴿增疾仲兄幼直等部辦儀具克叶龜從以明年三月廿七日□□歸附於京地萬年懸趙村東原之 大塋禮也固恐柔田凌谷俄徒星霜素梅□寶鼎不朽而離于石其辭云 命運罕知兮杳冥莫測 □□□□

□兮殞我懿德 不可贖兮□□□□ 閉玄宮兮松柏為隣□
右按唐辛氏以功名著者辛雲京辛祕辛謙三人而外乃有此誌辛氏之天德軍使肅國公奉國朔方節度副使平陽□

王榮又使持節通州刺史某三世官闕或膺邊寄或析爵土
或典大州一門鼎盛未見其比而新舊兩書不為立傳宰相
世系表亦無其人元和姓纂列諸辛氏隴西郡望下至盈百
許人三人之名均不在其內知史傳之缺漏多矣據誌幼昌
當以將門子弟用資蔭應試得官卒時其父尚在仲兄為之
辨喪唐人以鶴鵠喻兄弟者杜甫詩中最夥此誌亦有其語
實本之袁彥伯三國名臣贊而俱發源於毛詩者也唐書地
理志豐州天寶十二載置天德軍乾元後徙屯故大同城永
濟柵幼昌之曾祖領天德軍豐州刺史當在乾元未移之前
天德軍下應有奪字曾父為曾祖別稱始見於此撰文者署

姑射處士畦□按撰人僞號兼著名者有貞元十三年鹽池
靈應公碑陰記署五老山人劉宇撰在前與此僞姑射山人
同為石刻中之創例後人若規而行之未始不可資談者之
一助也

匄齋藏石記卷三十二

唐十六

楊迥墓誌

石高一尺七寸五分寬一尺七寸七分二十六行行二十五字
字徑五分正書

唐故太府寺主簿弘農楊府君墓誌銘

宣德郎守左春坊太子內直郎賈文度撰

公諱迥字居然其先弘農人也纓冕不久炳煥相取雖日四代五
公其後益熾公曾大父玄珪任銀青光祿大夫守工部尚書贈太
子少保大父錡任銀青光祿大夫守衛尉卿駙馬都尉尚萬春公
主贈太常卿父暉任中散大夫守光祿卿尚宜□縣主廿秉懿德

姻製金枝初任

文敬太子廟令奉蘋藻供祭□禮敬必誠嚴

謹備至次任左監門衛曹叅軍才而不固雅而應物克已復禮

時然後言次任左威衛曹叅□性專靜內敏有幹局無□無為

化成於政次任河中府河東縣尉檢慎端默居官廉恪所負不過

一廂而政行一邑次任太府寺主簿守位必敬臨事必端□嘗以

悔愆改節為權豪屈言府君有子二人長子日弘次子□□訓以

義方敦閱詩禮咸能被服文行時人稱公善誘善教何期□不福

善以大和七年十月十七日寢疾終於延康里之私第享□五十

有三呼公之歿也志負其願壽違其仁官屈其器君子□□嗟其

□而哀其命嗚呼渭水東注時与之俱音光緬然何□□矣夫人

秀谷縣主禮樂風操家之範也柔明孝慈天之質也□終采蘋之
職□心家節楊氏之六姻肅九族睦實夫人是賴豈期循短是歲
十一月十日不勝其哀寤於靈側春秋二十有六後公廿三日而
歿公之難弟前司農寺丞道涕血護哀痛失鴈序謹以歲次甲寅
八月己卯朔廿四日壬寅遵公及夫人靈座合安厝於萬年縣高
平鄉高望里附先塋之禮也猶懼人廿陵谷之不可期故刻石
誌之冀其名氏之攸遠也銘曰

瓊樹零落兮秋夜長
金枝窈窕兮遺清芳
永高泉戶兮誠感傷
天乎欲問兮徒蒼蒼

弟通直郎前守司農寺丞武時尉道書

楊迥國忠從孫也誌稱迥曾大父玄珪任銀青光祿大夫守
工部尚書贈太子少保大父錡任銀青光祿大夫守衛尉卿
駙馬都尉尚萬春公主贈太常卿父暉任中散大夫守光祿
卿尚宜□縣主按新唐書宰相世系表玄珪工部尚書錡太
僕卿駙馬都尉暉則廩書名於錡之下而不著其官玄珪之
官與誌合楊貴妃列傳天寶初冊進貴妃擢叔玄珪光祿卿
宗兄錡侍御史尚太華公主主惠妃所生最見寵遇楊國忠
傳國忠次子暉尚萬春公主位鴻臚卿陷賊見殺玄珪光祿
卿錡侍御史是其先擢之官而工部尚書衛尉卿則後晉之
階也錡尚萬春公主者攷新書玄宗二十九女列傳太華公

主貞順皇后所生下嫁楊錡堯天寶時萬春公主杜美人所
生下嫁楊岫又嫁楊錡堯大厯時蓋太華堯逝岫適見殺錡
遂續尚萬春誌文追述略於先而詳於後故不曰太華而曰
萬春也唐俗不醜再嫁雖金枝之貴亦蹈為故常狀如萬春
者姓終而叔及漬倫傷化名節蕩狀矣迥初任文敬太子廟
令次任左監門衛曹參軍次任左威衛曹參軍次任太
府寺主簿据新舊兩唐書文敬太子諶順宗之子德宗愛之
命為子貞元四年封邕王厯義武昭義二軍節度大使年十
八薨陵及廟置令丞云新書百官志諸太子廟令各一人從
八品上

馮登府金石錄例唐華岳廟題名文云廟令張從本
題殆廟祝之類按舊唐書職官志五岳四瀆廟令各

一人正九品上此題名者即左右監門衛曹參軍事兼掌西岳廟令柳東何未攷耶

騎曹左右威衛曹參軍事一人竝正八品下太府寺主簿二人從七品上掌印省鈔目句檢稽失平權衡度量迥任歷四遷階不正七品意者奸回之裔雖列仕涂仍不免沈滯歟誌故曰君子嗟其□而哀其命也迥終于延康里之私第厝於萬年縣高平鄉高望里長安志延康坊坊即在光德坊次南為唐皇城西十三坊之一萬年縣唐四十五鄉長安志塵存其七而無高平之名貞元十七年李氏殤女墓記寔於萬年縣高平鄉西焦村之南原鄉名与此誌合彼遠即悠遠悠作攸與秦嶧山碑咸思攸長北魏刁遵墓誌攸攸縣曹北

皇甫琳墓誌湛湛攸長隋龍藏寺碑攸攸黔首竝同

杜公夫人李氏墓誌銘

石高一尺四寸三分廣一尺四寸四分二十一行行二十一字
行書

唐故奉天定難功臣遊擊將軍天威軍正將杜公夫人隴西
李氏墓誌銘 并序

激事郎試太常寺奉禮郎李遇撰

夫人姓李氏隴西人也其先伯陽之後歷代或相或將史謀備書
今闕而不錄夫人父諱承顏奉天定難功臣天成正將逆豎作亂
掃除氛祲功冠當代惟夫人生稟秀異溫柔內和蘊蘋繁之風蓄
貞順之德及王笄耀首梅實當時言歸好仗以嬪于杜公焉所謂

秦晉得同儕之正齊邾無相偶之嫌躬儉儀表於室家婦德素推於宗族不尚鉛華之飾曾無出柵之言唯善是修頗精內典洞徹至理了悟真如縱孟母鴻妻羅並其德何期庭梅始艷春霞方凋院槿初華暝風旋落以大和九年二月九日寢疾終於捕興里之私室享齡七十遂以其年四月十日龜筮叶從遷窆于長安縣龍首鄉故金夫之塋側離而祔之從魯禮也嗣子文章左清道率府職在上司才德高遠代之曲藝靡不在躬忠孝兩全人罕儔及自罹創鉅毀瘠為容衰絕曾子之漿痛注高柴之血榮華孑然營護喪事陵谷是慮銘以誌之銘曰

婉美夫人華如桃李內則匪虧外嬪君子蕙質雖謝泚德弥芳骨

委新隧魂飛故鄉松門月告隳樹煙傷瘞泉塚兮已矣風蕭蕭兮
白楊

右誌標題其夫官職誌中未敘而敘其父官職與標題同惟
敘其父則天威之威亦似成字攷地理志河州索恭川有天
威軍天威軍之名方鎮表亦未載惟地理志鄯州鄯城縣下
注云定戎城南隔澗七里有天威軍開元十七年置初曰振
武軍二十九年沒吐蕃天寶八載克之更名又劍南道成都
府亦載有天威軍注云乾元二年置元和三年更名天征軍
據此則當時有兩天威軍杜公之或隸鄯州或隸成都蓋無
可攷然既稱奉天定難功臣則必從征朱泚有功者而平泚

者李晟晟籍洮州又向立功隴右所部將卒必隴右為多然則杜公所將當係鄯州之天威軍非成都之天威軍矣晟以平泚功封西平郡王西平郡即鄯州尤顯證也由是推之則其父為天成軍將為益確蓋河州鄯州同屬隴右故一時同赴徵調同破朱泚是以兩人並為奉天定難功臣揆之情事有必然無疑者誌中所稱逆豎正指泚也遊擊將軍從五品下階徵事郎正八品下階太常寺奉禮郎從九品上百官志太子左右清道率府有率有副率其屬有長史錄事參軍事及倉兵曹各曹參軍事又有左右司階中候司戈執戟等員此誌但稱嗣子左清道率府而不舉其官其為率為屬無從

憶定誌稱李氏為伯陽之後則仍沿至元皇帝之謬說耳好
伏伏字當是仇字之誤觀其左旁作亻似先且誤作下文以
字也月告之告當是苦字象塚之塚當是壞字

京北府押衙李彥崇墓誌銘

有蓋

石高一尺三寸四分廣一尺三寸八分二十行惟第十行二十
一字餘各二十字正書

高祖龍西鳳鳳同薰詠

墓蓋行三字

唐故京北府押衙雲麾將軍試光祿卿上柱國李府君墓
誌銘并序

府君諱彥崇字德高其先隴西乃

皇宗之苗裒也

府

君文可以濟世武可以靜邊投筆從戎于茲累載夫為棘門之首

領者奉公竭節九歷任五郡押衙僮僕皆以郡守見用或擁
變於貨殖則無損於人掌帑藏於惟揚即衆皆欽仰 府君享

年五十有二何期積善無憑釐小秦藥餌難救奄歸夜泉開成
元年五月十日卧疾終於揚州江陽縣布政坊私第即以其年七
月廿日遷葬于江陽縣仁善鄉弦歌坊千秋里 里之側修塋禮
也 府君娶清河張氏温儀令淑婦道弥彰清貞立節恭慎勵
人孕嗣子三人長曰道真次曰九師幼曰小哥皆毀性過禮號訴
穹蒼以夙繼夜水不度齒然古之純孝未可及也 夫人撫孤
幼而慟絕則行雲為之慘悽扶棺櫬而悲啼則隣伍為之投涕嗚
呼逝矣白日難駐黃泉杳冥恐歲月絲遠陵谷文□文刻貞石以

紀年代銘曰 天道間生兮□□□□□□□□□□何參□□□
□□泣五兮聲□□□□□□□□門兮淚鱗□□□沉□□王瘞□
□□□□□□□□柏蒼：

唐時節度使各有押衙此既標題京北府押衙文中又稱厯
任五郡押衙皆以郡守見用則似非節度使押衙必當時州
郡皆有押衙矣蓋當時各州皆有軍且凡號京都之處皆升
為府自京北府外如鳳翔河南河中太原江陵興元成都皆
建府置尹較州刺史體當殊異今京北府既有押衙則各府
當一律皆有然則所厯五郡或專指各府或兼及各州皆未
可知自至德二載復郡為州後終唐世未改此猶以郡稱者

蓋沿用舊名非有所更革也雲麾將軍光祿卿皆從三品上
柱國十二轉以轅門首領而官階勳崇顯如此唐時爵賞之
濫由來久矣

陳洵墓誌銘

石高一尺二寸七分廣一尺三寸一分邊有界線外
刻篆文二十三行行二十字至二十三字不等正書

唐故處士潁川陳府君墓誌銘 并序

開成二年七月廿日有唐處士陳府君享年八十終于家明年四
月廿二日葬于河南府壽安縣連理鄉寂莊村 先塋之東順理
也府□諱洵稟承帝舜姓自胡公世載道德事詳傳紀即南康郡
王休先七世孫曾祖承德皇登進士科陰平郡別駕祖齊卿繼升

進士再判高第自監察御史終太常博士先考諱位天寶末家國
禍難行義著聞就學墳史累膺辟署自大理司直終太子司議郎
府君年纔弱冠興元中季父允衆佐太尉李公復京邑以勲授壽
州安豐尉族丁家艱毀瘠有聞負荷勤恤推恩竭力睦親成家率
身忘寒暑之勤敬事盡和樂之道 高堂無違幼弟怡怡雖食貧
處晦綽綽有裕後為知己薦用從事嶺南以家速宦孤意不屑就
未幾謝主人而歸遂雲壑寄跡譙好娛賓卅年間忘名遂志常正
己檢下以禮法自持子弟以訓齊朋友以義服故家肥而道勝意
得而壽登雖不及貴仕君子以為達矣男子三人長曰昱次弁幼
曰行循夙承令範皆已成立二女出家次適常州武進主簿賈汶

幼未及笄並至性加人孺慕終日弟湘任御史乞假護喪自越赴洛日時地叶手足痛殷飲泣為誌不盡徹烈銘曰

書稱五福其一曰壽惟人道善自天垂祐道未守中壽固難久平生好尚一旦何有湮洛之間泉深土厚先塋喬木侍瞻左右歸復無悔存亡志就當世未光慶延厥後

按唐書地理志河南府領縣二十壽安縣列第十五故地在
今宜陽縣治南康郡王休先為陳高祖弟唐書地理志文州
陰平郡義宣二年析武都郡之曲水正西長松置按唐志言
高祖改郡為州此著陰平郡於文州下者明唐已改為文州
也陳君之曾祖為陰平郡別駕以唐人言唐官制不應有誤

檢杜氏通典州郡六云大唐復置文州或為陰平郡或為
字知唐有陰平郡而未知何時所改再稽之太平寰宇記言
唐高祖改為文州天寶元年改為陰平郡乾元元年復改為
文州終始燦然喜此誌與樂氏書可以為唐志疏證太常博
士大理司直及太子司議郎皆著於百官志誌言李父允眾
佐太尉李公復京邑此指李太尉晟平朱泚亂復長安事而
晟傳及通鑑均無允眾之名陳君蓋以李父資蔭為尉其後
不復銳求仕進優游林下獲享大年信一虛靜樂道之士故
其弟撰誌署以處士而不書故尉庶幾知古處士之尊遂其
兄之志趣矣

實應劉氏實楠漢石倒卷
一論處士二字名義最詳

衛君夫人輔氏墓誌銘

石高一尺三寸八分廣一尺四寸後缺一角二十四行行二十四字字徑三四分銘後另有小字二行並正書

唐左春坊太子典膳郎河東衛君夫人扶風輔氏墓誌銘并序

給事郎前行真王府功曹叅軍王頊撰

夫人姓輔氏字德一其先茂陵人也數世居其輦下後周光祿大卿復本十五代而臻其身迄于盛唐英豪華族軒冕深遠

光暎儒林曾祖巖申州鍾山縣令祖太初朗州長史父元述揚州右司馬母吳興郡君夫人沈氏皆先夫人而歿夫人即司馬之長女也天資令淑神燦精明敦禮樂於門華肅風範於閨閭峨峨瑞王耀美德而逾彰藹藹芳蘭茂馨香而不絕其行也溫而惟和其

德也恩慈而逮下輔佐君子星霜未周鹽饋之禮未申瓊王之姿
先謝於戲天之不惠降疾于斯無何以開成四年八月十五日終
于親仁里之私第噫人生大要有三夫人獨居其二德也位也所
不及者壽何促歟享年二十有二有子一人茹毒之秋纔逾滿月
今以夫氏旅宦京邑遽就吉辰以其年八月廿七日寔于萬年縣
甯安鄉於畢原權葬 先塋之左禮也 皇城之南澹川之右金
聲既絕王鏡沉埋羅幌生塵斤弦難續夫人猶有衆子三人寄于
淮楚長曰孟老次曰小孟□曰千郎並髻亂之年也凶訃馳歸行
路傷怛夫虛心早膺□□之選位列宮僚痛龍劍之一沉悲風桐
之半死哀慟過□□□連兩嬰孩夜啼已感傷於隣里幽明永隔

終結思於空 □ □ □ □ 谷變移李氏成履刊石表墓用寘千秋嗚呼

哀哉 □ □ □ □ □ □

清河垂裕

迥漢分光

金石同韻

□ □ □ □ □ □

覆載雖廣

嶽報何傷

寔窳云畢

□ □ □ □ □ □

北原漢陵

西顧秦闕

煙慘松楸

□ □ □ □ □ □

薤露朝晞

愁雲暮結

淚添八 □

□ □ □ □ □ □

河東子泣而銘曰判合去歲乖離此年子居襁褓將何恃焉下缺

皇天后土當聞是言

典膳局初曰典膳監龍翔二年改有典膳郎二人從六品下

左春坊掌膳藥故典膳局隸焉給事郎文散階正八品上王

府功曹參軍事掌文官簿書考課陳設正七品上申州屬淮南道在今信陽州境所屬有鍾山縣朗州屬山南東道則今常德府也大都督府有司馬二人從四品下揚州故大都督府治故有左右司馬郡君亦四品也衆子當是前妻之子文中玉皆作王漢當是漢元和姓纂漢有輔很為尚書令銘後有小字二行則其夫之詞耳

楊府君夫人程氏墓誌銘

石下截殘缺現存高九寸四分廣一尺一寸八分二十二行行十四五字至二十四五字不等正書

唐故楊府君夫人墓誌銘并序義昌

下缺

公諱澄□望於弘農郡東武戴侯之裔閩

下缺

累葉名儒冠蓋相

連不之於祀祖門皇諱湊□下缺公謙慎作己禮樂為心接義待

賓芳名如桂雍下缺白誠身無虧軍郡瓊王之明可並寒潭之瑩

叵齊下缺旋於□益□者是公之□望公賢偶夫人程氏名家

洲下缺櫛奉侍箕箒不倦敬事君子廿餘年命之短長下缺年四

十有四大和八年六月三日而終於市南公之私位也公下缺

心禮儀□影在門宛然如故公撫育孤小兒女四人痛□下缺初

公又抱疾加之在身良藥明鑿不痊其各以開成下缺時年四十

有九歿於私第公長男名公馨次男名公立下缺□八郎女十四

娘幼時六字血□日□母先亡天父今下缺仕於門骨肉□□天

地□□□今取開成四年歲次戊午下缺辛酉卜地才□□□南

三里為瑩城祔葬合禮丹下缺在泉初為招□□□寒雲□痛丹
施引靈傾郭下缺德恐以年代遷改海□山平故製此文記在銘

右下缺

君之英才 信行周備 軍郡咸仰 如蘭如桂下缺

□□辰 人皆有壽 君何壅身 足□□□下缺

前□妻謝 今又身殒 痛君兒女 早失□□下缺

誰不悲辛 今□墳塋 □水西畔 鄉名□□下缺

夫妻合祔 鸞皇為伴 萬載夜長 □□□□下缺

逝：荒墳 天今地隔 永閉泉門

誌稱府君為東武黃侯之裔業今諸城縣自漢時即置縣名

東武累代因之然攷兩漢三國及晉宋以後諸史楊氏無封
東武者即宏農楊氏自震秉賜以至北魏播椿津等或封蔭
亭或封臨晉或封穀西或封華陰亦不聞有侯於東武之事
此東武戴侯不知何人尚侯博攷又誌書開成四年歲次戊
午攷文宗以丁未即位攷元大和歷九年至丙辰又攷元開
成是四年當歲次己未戊午乃三年也證以同時諸碑如馮
宿碑書開成元年歲在執徐執徐丙也元奘塔銘書歲丁巳
開成紀元之明年大泉寺三門記書開成三年歲次戊午皆
歷歷不爽今書作四年戊午顯係誌文之誤進當即跋字詩
跋跋周道蓋古人足旁或作走如跡之作迹踰之作適是也

標題下有義昌二字自是撰書人題款攷義昌軍名治德州
初為橫海軍大和三年廢橫海更置齊德滄節度使五年賜
號義昌軍地理志僅載橫海而無義昌之名殊為漏略作誌
時此軍適新置未久也

巨與頰通後漢書隗囂傳帝巨欲討
之又頰羣亦作巨羣此誌巨即頰字

陳夫人蔣氏墓誌銘

石縱橫各一尺零六分二十一行行二十一字至二十五字不
等正書

陳少公亡太夫人蔣氏墓誌銘

并序

進士呂貞儉撰

夫人族本樂安郡鄆府節度押衙兼御史中丞裕十七代孫派流
遠裔替紱相承 祖楠皇虔州瀨縣尉 父政好游山水志考諸
文弃業從途終于虔州夫人即公之第四女也少而孤露育于母

手每遇其親常哀咽不食而竟夕繇是親戚咸哀而異之性直索
言喜怒未常見於色及笄歲嬪于陳氏性仁溫孝能奉舅姑於婦
妣之間偏沐撫愛姑常謂之曰蔣氏新婦解吾意每所動用皆合
吾心此乃婦德也有子二人一男一女女出侍江家男李端娶故
徐州彭城縣尉劉氏第三女也有孫四人長孫師貞次孫宮十李
老金娘等自夫人於開成五年六月中旬卧疾伏枕至今春漸將
逾亟知大期向終願為其男曰吾氣力頓衰殆將不起夫礼節庶
讓汝粗知也吾終之後汝主奉家業當謹節溫勒無至哀毀此即
吾瞑目無憂子遺此示向卯而終享齡六十九矣以其年春二月
十三日甲寅甯神卜兆于江陽縣嘉甯鄉北五乍之平原禮也焉

呼泉扁一奄邈于千古蕭：松栢煙伴愁雲宵：孤魂路奉親戚
嗣子李端恐陵谷千變乃尅石紀銘其詞云尔 其一曰

漠：春雲歸無處所 悠：大川賢愚一路 夫人德行奄忽朝
露 刻石紀銘以永千古 其二曰 恍：魂遊逝水 森：
墳聳荒川 望愁雲 氣絕 蹄叫聲咽空原

會昌元年二月十三日記

誌作於會昌元年而稱夫人為鄆府節度押衙兼御史中丞
裕十七代孫案此大謬也今攷所書官職惟御史中丞之名
自後魏後周及隋氏外其餘各代皆有不具論若夫鄆雖
春秋魯邑而置州則始於隋以前未有鄆州之名也節度使

官則自唐始置通鑑於景雲元年書以幽州鎮守經略節度大使薛訥為左武衛大將軍兼幽州都督謂節度使之名自訥始唐書方鎮表皆託始於景雲元年尤可印證則知以前並無節度之名也統紀及唐會要皆以景雲二年賀拔延嗣充河西節度為節度所自始殊不知訥已在前亦係疏略通鑑考異已詳辨之矣素此誤實始於杜氏通典其復通志通考又相沿而誤何鄭馬不一致通鑑也

況據方鎮表則乾元二年始置鄆齊兗三州節度使寶應元年又廢且治兗州不治鄆州治鄆州者實始於貞元四年之平盧節度使至元和十四年遷治青州而別置鄆曹濮節度使治鄆州賜號天平軍是鄆州之有節度其事尤近若以十七代逆計至少亦近四百年必上當劉宋之世其時不獨無

節度且並無鄂州矣而誌所書竟如此殊不可解度州屬江南西道徐州屬河南道濼與彭城皆倚郭之縣濼字今皆作贛唐地理志著水旁今此誌亦同知唐時不作贛也其祖名楠當即楠字

會昌元年造陀羅尼經碑

石高四尺蓋五分寬二尺二寸六分四十二行行九十三字字徑四分正書

佛頂尊勝陀羅尼經序

序文不錄

佛頂尊勝陀羅尼經

經文不錄

會昌元年歲次辛酉九月丁卯朔三日己巳建

按唐人造陀羅尼經幢至鏤碑不多見幢或四面或六面多

至八面而止所刻經往往非全文此碑經文舉其成數凡三千言蓋至足之本又屬唐人真蹟若以校勘它刻誠為難得而可據大中十一年崔坤造陀羅尼經碑亦感余齋字數与此碑略同惜字蹟模糊太半不可辨似不如此碑字字明晰誠瑰寶也

王方徽墓誌銘

石高廣均一尺四寸二分
強十八行字數不一行書

唐故太原郡王公墓誌

蓋篆書

唐故處士太原王公墓誌銘并序

節度隨軍賞緋魚袋勾當書記程恭已撰

吾先師孔氏以聖道導人人用知教千載之下方行其門者太原
王公諱方微字 世家于廣平之洺水遠祖剪為秦將滅趙子孫
因居之今有亭在焉代以武略稱 唐興二百餘年 累□□
□□注意於文士之生不以文知者則恥之 公幼有高格卓□
與群萃異不師師師心心與騷雅合於五言九紀後進咸宗之其
業專其學博勇於退不勇於進故不為爵祿所羈□□而遊於潯□
之陽備然自得遂結茅其上與孤峯斷雲為 禺寺寺寺其驕仰寨
廓而吟吟罷獨酌謂天間無復人也晚歲□□□道於五□□學
長□□四句倡學無生老而彌篤竟以正終終之年六十九時開
成五年夏□□五日 公娶隴西李氏柔明而賢有二子長曰元

亮 公使之學儒次曰慶章 公使之學粹因為僧咸知名會昌
元年冬十月十三日□□于鎮府真定縣永安鄉北房村之北原
自棺攬墳塋以往皆如其常有其有而無其無遵 遺命也僕忝
司戎翰且 公之舊故於銘誌不讓銘曰 衡門棲遲逸名遁時
欲人不知此公之□全德茂行松寒雪暎物莫与覓此公之盛曾
不永年歸于下泉孤墳踴然荒草平田噫彼後之人仰高名而思
不歌泣清風与明月

右按方徽特一布衣能詩之人恭己撰文乃以孔子之道發
端謂千載之下得其門者為彼其言詭妄殊令受者有愧孤
峰斷雲為下當是偶時時持四字而蝕其偏旁唐書地理志

鎮州大都督府誌故稱鎮府唐節度使有掌書記一人鎮州
為成德軍節度使治所考其節度使為王元逵恭己蓋其
僚屬也 又案天下當奪地字

河內郡張氏墓誌銘

石高一尺一寸五分廣一尺一寸
二分十六行每行字數不一正書

唐□□夫人□河內張氏墓誌銘 并序

鄉貢進士沈櫓撰

夫□人不□□物通□□□与廿俱行孝敬存家令德彰茂夫人
河內郡□□雲陽人也大人幼聞軌則門望之崇既笄之年歸于
天水趙公之□□大人□□母教動叶禮儀處室也功容允明諱
家□德言咸□□四者備矣□婦道乎何有方期地風皇之吉頌姦

□□宜內外□□莫不□□何□□沉極大夜將奄時春秋五
□□會昌三年歲次癸亥正月廿四日終于長安延壽坊之私
第□□趙公家世儒流□聞風雅四男成長二子躬室兩女有家
長□□府□□州□陽縣主簿官貞政理鍾鼎是期次男師技
□□師運皆□以□力□□曾叅甘旨不虧長女幼適河□□
任定遠將軍前光王府典軍次女早適樂繁任濠州定遠縣尉並
溫溫潤德悌睦謙柔送往慎終僉悲薤露□人□其年五月廿六
日寔于京地府長安縣小巖村之原禮也□陵谷遷變□世湮淪
故刊于石以誌綿邈其銘曰

泊乎有歸

逝于德輝

令望益著

職□□姬

孤貞四被

天不慈遺

誌彼泉石

名留不糜

安子書

宜郎篆額

閔郎刻字

右誌言歸於天水趙公其前題署唐字之下應是趙公二字
雲陽縣屬京兆府夫人卒於會昌三年年五十餘其長女嫁
□氏前光王府典軍按光王瑒為元宗子以開元十三年封
二十五年廢寶應元年復其王爵新舊兩書及通鑑唐會要
俱未言有嗣光王者光王廢時夫人尚未生安得有婿為光
王典軍之說此必有誤延壽坊見長安志銘中名留不糜當

取不絕之義至天不慙道乃施之於婦人其僭固可哂而其
不倫亦甚矣後有安子書宜郎篆額閨郎刻字三行不著名
姓其名僞足為石刻中雅例較之伏靈芝黃仙鶴為出假託
者又隱矣

錫齡案摩已包不絕之義又加不字語道相反古
摩與麻通有麻減義此且以摩為摩耳

柳氏長孀女墓誌銘

石高一尺六分廣一尺二
分十六行行十七字正書

唐故柳氏長孀女墓誌銘

兄中散大夫權知京地尹上柱國賜紫金魚袋仲郢撰

嗚呼天不與壽而生不能成其美者 我家之孀妹名曰老

師是也會昌五年五月二十一日友于昇平里第享年一十有六

兄仲郢見任京地尹以為家有

世祿著于族係

官諱嚴重不改又書蓋亦以彰幼而有知之體粵以六月二□一日葺于杜城村准經制也兄仲郢揮涕執筆誌其石云

惟我幼妹

中和率性

粵在孩提

自知識敬

名

滿姻族

謂宜承慶

天何難達

福乃適整

人之

有生

循短前定

其所陰陽

豈不助正

今茲友

忽

綿歷疾病

使言稟授

實感余聽

城南別業

□地開運

臨穴于此

保尔安靜

按古有三殤女年十六則為長殤見小戴禮喪服傳仲郢新舊唐書俱有傳附其父公綽後仲郢署銜云權知京兆尹資

治通鑑唐武宗紀會昌五年李德裕以柳仲郢為京兆尹女
即瑒於斯歲仲郢甫為京兆準以試守之例故曰權知京兆
尹也文中我家及世祿上皆空三格不知其故度亦自尊其
家之意世即世字唐人避太宗諱因書作世宗敏求長安志
朱雀街東從北第七坊為昇平坊有兵部尚書柳公綽宅女
友於昇平里益可證坊里互僞無有異同友即天字沈氏濟
疑友為哭非是此銘詞尚有今茲友忽語其字不得為哭明
甚位即徒之破字杜城即杜陵在唐萬年縣東南唐士大夫
多營別業於此所謂城南韋杜去天尺五者也銘言城南別
業閑運云云女當葬於別業之旁惟官諱嚴重一語跳行別

書疑有所謂尚俟續考中散大夫為唐文散階之從五品上唐書輿服志衣紫者魚袋以金飾之唐制又有賜紫假紫之分仲郢以賜紫佩金魚袋京尹之重視檢校試判者有不侔矣

米氏九娘墓誌

石高寬各一尺一寸十五行行十四十五字不等字徑五六分蓋高寬各八寸強二行行三字字徑一寸二分至一寸七分不等並正書

米氏女墓誌銘

蓋

唐故米氏

下缺

米氏九娘□其先蓋□□□郡人也 父諱宣米氏即公之室女

貞淋温□□家孝行幼女聰明□□□□□□和睦□內外親族
無□欽傳愛敬立身閨室令則高門□禮於家孝行無比何期不
幸遘疾□以會昌六年五月五日終于揚□江陽縣布政里之
第享年廿有一嗚呼□及笄年未娉□字從兄親□泣血□□六
親悲□行過傷嗟即以□□□九日□于城東弦歌坊之平原禮
也忍陵□遷故刊□□不朽焉銘曰

白日昭々 青松森々 生死有限

□□恨深 朱顏永□ 万□□今

光緒壬午年儀徵張丙矣購藏榕園 分書刻誌石右下角

右米氏貞女墓銘石方尺許正書十五行行十五字無書撰人

姓氏蓋題米氏女墓志銘六字志石出土時裂為兩截道光辛卯江都沈生自新城東郭外新莊土人家獲得志石下半截其上截及蓋又展轉訪得之字畫漫漶過半按稱貞女者志文云長反并年未媾故也又云終于江陽縣布政里之第葬于城南弦歌坊之平原今志乘俱失載按唐書地理志云貞觀十八年析江都置江陽今故治已不可考媾古聘字說文媾問也廣韻媾娶也左思蜀都賦媾江妃與神游樊敏碑再奉朝媾皆作媾其尤古者見荀卿書

韓崇寶錄齊金石文跋尾

宋書州郡志明帝太始七年四月于南兖州置新平郡江陽海安二縣與郡同立

南兖州治廣陵

南齊書州郡志齊永明五年罷新平

郡並海安度屬廣陵郡不言江陽則江陽與郡俱廢矣北齊書
文宣天保三年詔于廣陵置廣陵江陽二郡此皆僑置也無實
土開皇初江陽郡廢隋書地理志江都郡江陽縣舊曰廣陵開
皇十八年改為邗江大業初更名江陽是隋之江陽縣乃舊廣
陵縣也其縣城在唐江都縣北四里元和郡縣志廣陵城在江都縣北四里唐之
江都縣在雷塘西十一里據新唐書地理志唐武德七年改兗州為邗
州領江都海陵高郵三縣是時隋之江陽縣已廢舊唐書地理
志云江陽縣貞觀十八年分江都縣置在郭下與江都分理則
非復隋江陽縣之舊治矣南唐又改江陽為廣陵宋初因之故
樂史寰宇記廣陵縣下云江陽縣隋末廢唐貞觀十八年長史

李操奏割合濱渠以東九鄉復立是宋之廣陵縣又因唐之江

陽縣舊治也

熙寧時併入江都

元和郡縣治合濱渠在江都縣東二里

寰宇記云割合濱渠以東九鄉復立謂割江都縣合濱渠以東九鄉也與舊唐書置在郭下之言合寰宇記又云有故城在縣西北一十八里故城謂隋江陽城即古廣陵城在江陽縣西北十八里然則唐江陽城在隋江陽城東南矣余方撰揚州水道記考廣陵江都江陽三縣所在適沈君與九以所得江陽米氏女墓碑見示因牽連及之以就正于沈君近今揚州所得唐石甚夥孟憲所得萬氏夫人墓志云定于揚子縣界而闡南陳氏所得劉府君夫人墓碑

石今藏田季華所

梅蘊生所得田府君墓碑及

沈君所得此碑按文皆在江陽固已奇矣尤可異者容甫先生得射陽畫象時在王井舊宅故其楹帖云家藏射陽畫象身與金山秘書今沈君宅相去不過數武足知者奇好古之士後先碑映將來並足為吾揚之故實也

劉文洪青谿舊屋集

右墓誌磨泐已甚唯蓋尚精整元和韓先生跋稱為米氏貞女按誌云□家孝行又云孝行無比蓋貞孝兩全者斷碣塵存彌用珍惜張丙爽字竹山號午橋成豐己未翰林官廣東廉州知府刻榕園叢書者金石書畫尤留心鄉邦掌固土倚聲精研宮律有久甌館詞其唐石軒感石自唐迄楊吳最十五種編目見況周頤遼卷叢談

又按廣明二年協律郎李

項墓誌葬於絃歌里禪智精舍隋氏河沈氏太夫人大塋之側絃歌里名与此誌合阮相國云梅植之田府君墓誌此禪智自注灣頭鎮河西禪智寺在焉唐張祐詩禪智山光好墓田禪智精舍即禪智寺据李誌知絃歌里在灣頭鎮矣

按此誌趙氏補訪碑錄署為會昌六年正月据此則孟下所泐乃春字也龔錫齡附記

武康縣主簿衛景初墓誌

有蓋

石高廣各六寸八分文十五行行十五字正書

唐故河東衛府君墓誌

蓋正書三行

唐故湖州武原縣主簿衛府君墓誌

增撰

君諱景初 曾祖璿贈太子洗馬 祖晏循王傅贈太子少保

皇考權左羽林衛兵曹參軍充桂府支使 皇妣隴西李氏 君性仁行孝執書達文舉措動容為人師範親友保其重骨肉敬其賢胡天不明降罰賢德開成元年不幸于舒州享年廿六旅殯于是洎去歲秋啓護歸洛卜地芒山未遷伊陽蓋宜其力會昌六年十月五日葬河南縣平樂鄉朱陽村嗣子毗郎克肖 令德事深義質簡而不文哀痛心將滴而言不窮恨將竭而誠不宣嗚呼銘

曰

生不哥保 歿非身先

矣去恨止 血淚連漣

李光曾墓誌銘

石高一尺八寸三分廣一尺八寸四分
二十三行行二十三四字不等正書

李府君墓誌 蓋篆書

唐故隴西郡李府君墓誌銘 并序

試太常寺協律郎陳諗撰 并書

公姓李名光曾字某隴西人也自東周降德西漢流芳晉統相承
貂□繼踵衣冠募延累代不絕李氏之盛其來遠矣 公□代曰
官徙居於魏□遷於河東 公生於忻州寓於單于□□□環□
三十餘載□當其 祖□ 父然並恭儉揖□孝□嚴恪或
□□□□□或勤勞而事國 公謙讓廉直□和溫潤□□□□

自定襄以西盡雲中雁門之地皆空雁門平城有單于臺忻
亦匈奴戎馬所經其地至唐時當尚有單于舊迹故誌云寫
於單于□□非無因也其餘字句多不屬無可考證